



OPĆINSKO VIJEĆE ILIJAŠ

**Odgovori na vijećnička pitanja i inicijative sa 20. sjednice Općinskog vijeća Ilijaš
održane dana 31.05.2018.godine**

Ilijaš: Juni 2018.godine

Općina Ilijaš, ulica 128. Ilijaške brigade br. 6., 71380 Ilijaš
tel. (++387 33) 580-620, fax. 400-505, e-mail o_ilijas@bih.net.ba
Služba za saobraćaj, stambeno-komunalne poslove i građenje
tel. (++387 33) 580-633, 580-672, 580-669

ISO 9001

BUREAU VERITAS
Certification



Broj certifikata: CR14625Q

Inicijativa 1: "Pokrećem inicijativu prema nadležnoj općinskoj Službi da se izvrši čišćenje puta, potkresavanje drveća i košenje trave u neposrednoj blizini u ulici "Žrtava genocida u Srebrenici" i puta prema Sovrlama. Obrazloženje: Na navedenim dionicama se nakon obilnih padavina nalazi veća količina šljunka. Također se na tim dionicama nalaze ostatci posipnog materijala koje treba ukloniti, te izvršiti pročišćavanje odvoda za oborinske vode".

Odgovor: Općinska Služba će izaći na teren, snimiti stanje i predložiti rješavanje navedenih problema.

Inicijativa 2: "Pokrećem inicijativu prema nadležnim Službama, da se na području MZ Podlugovi, izvrši popravljivanje ili zamjena postojećih kontejnera za smeće. Obrazloženje: Na području MZ Podlugovi, postoji jako veliki broj kontejnera, koji su u jako lošem stanju, bez poklopaca i oštećenim dnom. Zbog toga što nam dolaze topliji dani i visoke temperature, potrebno je izvršiti popravke tih kontejnera, kako bi se spriječilo širenje neugodnih mirisa i štetnih sadržaja iz njih, koji mogu biti potencijalni izvori zaraze. Također, predlažem da se i u drugim mjesnim zajednicama na području općine Ilijaš izvrši inspekcija i utvrdi u kakvom su stanju kontejneri, te eventualno izvrši zamjena pojedinih gdje je to potrebno".

Odgovor: KJKP "Rad" d.o.o. Sarajevo će u narednom periodu izvršiti sukcesivnu zamjenu dotrajalih kontejnera, kao i čišćenje ostalih kontejnera.

ADEM ALIĆ – vijećnik SDA

Inicijativa: "Pokrećem inicijativu prema nadležnim općinskim organima da se u naselju Popovići (mekteb-trafostanica) i Salkanov Han (kod mekteba) urade betonske kanalice za površinske vode". Obrazloženje: Na navedenim lokacijama poslije obilnih kiša javlja se veća količina voda, koja potkopava asfalt, također su ugrožena dva stambena objekta, te tampon koji se nanese na asfalt ide u fekalnu kanalizaciju koju začepi na više mjesta i dolazi do izljeva te time ugrožava zdravlje ljudi".

Odgovor: Podržavamo inicijativu i u narednom periodu će se izvršiti pregled stanja i u skladu sa finansijskim mogućnostima Općine iznaći rješenje.

SEAD ŠEHIĆ – vijećnik SDA

Pitanje: "Postavljam pitanje nadležnoj općinskoj Službi, JKP "Vodostan" d.o.o. i svim onima koji su vezani za pitanje koje ću postaviti. Obrazloženje: JKP "Vodostan" d.o.o., već duže vrijeme nakon svojih radova, iskopavanja i popravki ostavlja rupe na cesti, isječen asfalt što predstavlja veliki problem u mahalama gdje su ceste i onako preuske. U Novom Naselju, odakle i dolazim već više od godinu dana, na lokaciji kod Raifa Buće, raskrsnica već tri puta se sječe asfalt, mjesto je udarno frekventno i zahtijeva hitne radove. Zatim na potezu od Šipadovih zgrada prema Novom Naselju, odmah na početku na raskrsnici velika rupa, a cjelokupno naselje mora proći tu raskrsnicu. Stoga pitam u čemu je problem, ko štopa ili pravi probleme pa se to ne radi. Zato molim sve nadležne da ozbiljno pristupe rješenju ovog problema".

Odgovor: Općinska inspekcija će izvršiti provjeru na terenu i naložiti nadležnim organima da riješe otklanjanje nedostataka.

ARMIN MATORUGA – vijećnik SDA

Inicijativa: "Obraćam Vam se ovom inicijativom s ciljem utvrđivanja odgovornosti pri deponovanju otpadnog materijala na dionici puta Malešički most - Donja Karaula. Molimo nadležnu Službu da se očituje po ovom pitanju, te u narednom periodu naredi odgovornim firmama čišćenje nepropisno deponovanog materijala. Obrazloženje: U toku prošle 2017. godine za vrijeme izvođenja radova na projektima "Izrada fekalne kanalizacije Malešići" koje je izvodila kompanija "TB Inženjering" Breza i rekonstrukcije puta "Intal Bosna" koje je izvodila kompanija "Geoput" Maglaj izvršeno je nepropisno deponovanje materijala na pomenute lokacije. Deponovanje ovog materijala izvršeno je bez dozvole općine Ilijaš, na što je Savjet MZ Stari Ilijaš ukazivao u par navrata".

Odgovor: Sa problemom koji je nastao na lokalitetu puta Malešički most - Donja Karaula, upoznata je nadležna Federalna inspekcija. Nadležna federalna inspekcija u skladu sa

zakonom je provela inspekcijski nadzor. Vi ste kao predsjednik Savjet MZ Stari Ilijaš inicirali provođenje inspekcijskog nadzora na navedenom lokalitetu. Koje mjere će biti naložene od strane federalnog inspektora odlučuje inspektor.

ALMIR ŠPIODIĆ – vijećnik BPS-Sefer Halilović

Inicijativa: "Pokrećem inicijativu prema općinskoj Službi za puteve da se izvrši popravljavanje (nasipanje) bankina i makadamskih puteva koje su oštećene u posljednjem nevremenu, također da se očiste i kanali i oborinske vode koji su zarasli i zatrpani i kao takvi prouzrokuju problem poslije svake kiše. Radi se konkretno o popravljavanju bankina na dionicama Vratuša-Mrakovo, put prema Sovrlama iznad katoličkog groblja, gdje su bankine potpuno oštećene, a kanali za oborinsku vodu zarasli i zatrpani. Također, potrebno je sanirati bankine u ulici Makljen i putu prema Sovrlama od Ine. Makadamski put prema repetitoru na Sovrlama je gotovo pa neprohodan za automobile, a on se koristi i kao pristupni put i za 10 domaćinstava, potrebno je nasuti i uvaljati, jer ako padne još veća kiša on neće više služiti svojoj svrsi. Smatram da je važno da se ovaj problem sanira, koji iziskuje puno sredstava i na taj način zaštititi asfalt koji je nedavno rađen na nekim dionicama, jer ako pustimo da ovako propada vrlo brzo ćemo imati potrebu za ponovnim asfaltiranjem već urađene ulice. Nije samo nevrijeme uzrok ovog problema, u velikoj mjeri je tome doprinio i BH Telekom, koji je radio iskope na ovim dionicama za polaganje opreme za optički signal. Oni su definitivno napravili više štete na putnoj infrastrukturi nego koristi za građane i našu općinu. Predlažem da stručna osoba iz navedene Službe obiđe pomenute dionice zajedno sa građevinskim i komunalnim inspektorom i predsjednikom mjesne zajednice Podlugovi, naprave predmjer i predračun radova kojeg treba fakturirati BH Telekomu, da učestvuje u finansiranju. Mi taj nered koji su ostavili iza sebe moramo sanirati zbog naših građana, Općina nosi dio odgovornosti jer je dala saglasnost za izvođenje radova, a nije vršila u potpunosti monitoring nad radovima.

Odgovor: Općinska inspekcija i Nadzorni organ "BH Telekom" d.d. Sarajevo su planirali obilazak lokaliteta na kome se provodi projekat "Izgradnja PM Podlugovi RSU 1", za dan: 20.06.2018. godine.

Pitanje: "Kada će se izvršiti postavljanje cijevi za oborinske vode i čišćenje kanala na dionici puta ispod skretanja za naselje Doci, mislim da znate o čemu je riječ, jer ste prošle izlazili na teren i napravili predmjer i predračun radova i obećali ste da će se ovaj problem riješiti do zime. Međutim još uvijek nije riješeno, ljudima su ponovo poplavile kuće i usjevi, a ono što je zabrinjavajuće jeste da se oborinska voda pomiješa sa fekalnim vodama i kao takva može biti opasna po zdravlje ljudi".

Odgovor: Planirano je da izvođač radova sa izvođenjem počne 21.06.2018. godine.

MUHAMED HANDŽIĆ – vijećnik BPS-a

Pitanje: "Kada će Direkcija za puteve Kantona Sarajevo vršiti rekonstrukciju regionalnog puta Stari Ilijaš-Bioča-Ahatovići i to dionicu od podvožnjaka u naselju Luka (ispod autoputa) do Biočkog mosta na rijeci Bosni. Obrazloženje: Navedena dionica je u velikoj mjeri uništena i njena upotreba je gotovo nemoguća. Veći dio ove dionice je sužen na 2,5 metara širine, a zbog nasipa koji su postavljeni uz korito rijeke Bosne radi poplava, dok su udarne rupe na istoj tolikoj mjeri da se ne mogu ni zaobići".

Odgovor: Direkcija za puteve Kantona Sarajevo radi po svome operativnom planu.

Napomena: U prilogu je odgovor koji je pristigao iz "Elektro distribucije" Sarajevo koji se odnosi na poboljšanje naponskih prilika u naselju Gornja Karaula i na više puta ponavljano inicijativu vijećnika Armina Matoruge.

Služba za saobraćaj,
stambeno-komunalne poslove i građenje



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo

Podružnica „Elektrodistribucija“, Sarajevo

18-06-2018

OPĆINA ILIJAŠ

Služba za saobraćaj, stambeno-komunalne poslove
i građenje
71380 Ilijaš
Ul. 126. Ilijaške brigade br. 6

Sarajevo, 13.06.2018.
Broj: 03-4-222-34246/2018

19.06.2018

Predmet: Dostava informacija u vezi zahtjeva za poboljšanje naponskih prilika naselja Gornja Karaula

Poštovani,

Na osnovu Vaših zahtjeva, vezanih za poboljšanje naponskih prilika naselja Gornja Karaula, dajemo Vam sljedeću informaciju.

Podružnica „Elektrodistribucija“ Sarajevo planira investicije u distributivnoj mreži na osnovu više parametara: broj kvarova na mreži, stanje naponskih prilika, priključenje većeg broja novih objekata na mrežu, te samog fizičkog stanja mreže.

Uzimajući sve ove kriterije u obzir Podružnica „Elektrodistribucija“ Sarajevo planira investiciju u rekonstrukciju distributivne mreže, a realizacija na terenu najviše ovisi od raspoloživih planskih sredstava ili eventualnih novih programa na bazi kreditnih sredstava.

Usljed nedostatka raspoloživih planskih sredstava, kao i značajnog broja prioritarnih projekata, kako na području Općine Ilijaš, tako i cijelog Kantona Sarajevo, jedan dio planiranih investicija bude prionigran za budući planski period.

Ovom prilikom bitno je istaći da Podružnica „Elektrodistribucija“ Sarajevo, na godišnjem nivou na području Općine Ilijaš investira značajna sredstva, i da se tom prilikom rekonstruiše značajan dio distributivne mreže.

Također po pitanju izgradnje transformatorske stanice TS Gornja Karaula, te pripadajuće srednjenaponske mreže, obavještavamo Vas da je ista planirana za 2019. godinu, a da je već pokrenuta procedura izrade projektne dokumentacije.

Napominjemo da je stanovnicima i dalje na raspolaganju naš Informativni centar i besplatni telefon broj 080 020 133, odnosno mogućnost da prijave svaki problem na mreži. Naše interventne elektromonterske ekipe će učiniti sve da, do konačnog rješenja, otklone opasnost i, koliko je moguće, ublaže nastale probleme.

S poštovanjem,

Co: - 2, 22, 222, a/a.



Direktor

Haris Trnka

DIREKCIJA

Milanova Šetališta 15, 71000 Sarajevo, BiH
Tel: +387 33 75 10 00; Fax: +387 33 75 10 03
www.epbh.ba

Reg. broj: UF/1-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003368506 - Intesa SanPaolo banka d.d. BiH Sarajevo
1610000005180023 - Raiffeisen Bank d.d. Sarajevo
1990490176075902 - Sparkasse Bank d.d. Sarajevo
1020500000090111 - Union Banka d.d. Sarajevo

PODRUŽNICA
„ELEKTRODISTRIBUCIJA“
SARAJEVO



Milanova Šetališta 49, 71000 Sarajevo, BiH
Tel: +387 33 75 10 00; Fax: +387 33 75 15 75
www.epbh.ba

Reg. broj: UF/1-2108/04 Kantonalni sud Sarajevo
Porezni broj: 4200225150030
PDV broj: 200225150005
3389002208083857 - UniCredit banka d.d. Mostar
1028400000005817 - Union banka d.d. Sarajevo